

quis --- dicat quot Acestes vixerit annos,
quot Sículus Phrygibus vini donaverit urnas?

Quis eorum evolvas

(θ) Quod jus Pontificum veterum, quæ scita Quiritum,
quæ consulta Patrum, quid Draco, quidve Solon
sanxerit, & Locris dederit quæ jura Zaleucus,
sub Jove quæ Minos, quid Themis ante Jovem?

Εἰ κύννας εἶχε κύκλωψ, τίνας ἔδραμεν ἡλιῶν ῥίμους,
καὶ τίνων ἦν Πρωτεύς, καὶ τίς ὁ Πυγμαλίων;

Nondum nempe pueris nota est Historia sive Mythica sive Vera, sive quasi-vera, Comædiarum quæ est & Tragædiarum. Hac enim omnia sub circulum grammaticæ rediguntur: ut adeò paridum sit cavillum, quando Turbo aliquis Grammaticos appellat pædidolos aut pediculolos. Ego verò propterea indigitavi Grammaticam puerilem, quòd solà eà apud pueros incipimus, solà eà eosdem imbuimus & initiamus. Grammaticà inquam. Inter primas literas Augustinus recenser legere, scribere & numerare. Grammaticus apud Tertullianum (i) est & primus informator literarum, & primus edomator vocis, & primus numerorum arenarius. Lucianus illi tribuit officium, ut pueros Musicà excolat & Arithmeticà, literas pingere, easque rectè doceat pronunciare. Hinc nata est, Augustino dicente, illa librariorum & calculonum professio, velut Grammatica infantia, quam Varro literationem vocat. Atq; sic Augustinus Grammaticam meam puerilem stabilis. Hunc in modum Publ. Helvius Pertinax, postmodum Imperator Romanus, literis elementariis & calculo fuit imbutus. Idque non immeritò: sunt enim hæc artes, iuxta Aristotelem, (κ) χρήσιμοι πρὸς τὸν βίον καὶ πολύχρηστοι, πρὸς χρηματισμὸν, καὶ πρὸς οἰκονομίαν, καὶ πρὸς μάθησιν, καὶ πρὸς πολιτικὰς πράξεις πολλὰς, & διὰ τὸ πολλὰς ἐνδέχεσθαι γίγνεσθαι δι' αὐτῶν μαθήσεις ἑτέρας.

Secundam Logicarum artium, uti quidem Stoici non inartificiosè eas partiti sunt, Logicam appello juvenilem, quòd ea supra puerorum captum, & adultioribus potius tradenda sit. Ut ut epim pueris, qui vel nondum voces ipsas rectè colligere norunt, iugi exercitatione & sedulà repetitione, discrimen aliquod Generis & Speciei, ut ipse huius rei experimentum feci, feliciter instillari queat, præsertim si communes illis notiones assumseris, Animal & Equum, Piscem & Lucium, Avem & Lusciniam, Arborem & Cerasum; vereor tamen ut cetera comprehen-

A 3

(θ) Ausonius in Profess. (i) de Pallio (κ) l. cit. cap. 3.

dans,